

南
潯
鎮
志

農桑二

汪曰楨撰

南潯鎮志廿二

收蠶

育蠶要旨看布種戰色其子飽綻卽有蠶數十箇

名爲橫布三朝後當將種鋪開在向陽處如陰雨或在

牀上或在竈上以暖處爲佳待其脫殼採花葉少許

野卽

薔薇葉俗名做絲花

去梗刺燭燥研末其香無比用麻布篩篩在

種上

蠶得此則脚鬆易刷

候一箇時辰用食鍋抹乾

金漆大盤亦可用

將

鷲毛輕輕刷籠收於鍋內更用小圓竹器鋪礬糠灰一

層

雜以石灰亦可

上襯以紙卽放蠶於器中上用切細嫩葉薄

糝

收下後葉宜切細初眠後可麤二眠後用葉片出火後用丫頭葉

蠶卽能食凡收下

未曾食葉卽一二日不飼不致餓壞倘喫葉些些以後

稍饑卽斷絲腸矣放在暖處謂之冷看須六七周初眠

倘用火較速用火者蠶器擱架上藏牀中火爐燒炭壑

一箇俗稱炭基用灰蓋好置架下不得過熱蠶器亦須時時

移轉葉亦頻頻糝上謂之三日三夜趕頭眠然不若冷

看之安惟遇春寒用火可免畔癩亦作絲通作縣俗用雞替屨字並非蠶畏

冷藏葉底不肯向上食葉謂之畔癩○湧幢小品其既食也乃熾炭于筐

之下并其四周劉桑葉如縷者而謹食之又上下抽番

晝夜巡視火不可烈葉不可缺然又不可太緩緩則有

漫漶不齊之患矣編經曰蠶薦用以圍火恐其氣之散

也束枯曰葉墩用以承刀惡其聲之著也是爲看火○

遺閒瑣記初生之蠶俗名烏兒每重一錢十六兩可得

出火一斤大眠四斤並廿四兩秤爲中平之率○烏青鎮志

葉稀卽補之烏密處以細竹筴撥勻

董蠶舟收蠶

諺云穀雨不藏蟲收蠶以此爲候焉擇吉日以桃葉火微炙之俟其蠕動以鷺

羽刷於釜中或以篩或以盒視所便又取刺梅花之葉縷切布其上蠶得葉香蟄者盡出乃以戥子權其輕重始飼以葉目刺梅葉爲花葉者別於桑也郡人謂收蠶爲攤烏其候較吾鄉爲早云蠶房埽

畢窗已糊吳鹽裹去迎狸奴良辰急向厯頭檢城中

前日齊攤烏炙殘桃葉蠕蠕動毫芒細更輸鍼孔紛

紆紙上密成團四寸鶯翎慢撚籠刷下先將小榼承

細敷花葉一層層蠶孃早欲知多少敷罷還從戥上

稱從此育蠶多禁忌札闈豫防生客至三寸紅箋淡
墨書家家徧貼蠶天字

董恂收蠶下蠶最早推我湖昨日前日齊攤烏_愿頭
日脚今又好收蠶莫把良辰孤鶯翎一雙早購置細
意更有垂髫姑囑姑開包出布種蠕蠕戢戢生意蘇
紙上拂拭置筐內攢如絲髮無細麤更教持戢較輕
重胥言種最今年敷小簍_三糊潔且淨一層細葉青
平鋪揮刀束砧忙復忙何殊慈母將嬰雛

忌蠶

育蠶要旨忌蠶之說鄉人最信往往用蘆簾圍住
不使人出入稍有變端卽占卜禱祝或謂生客所衝或

謂陰氣所犯雖屬附會然在旁人知其忌蠶必須謹避
庶不致歸咎也有實係當忌者曰雨曰霧曰黃沙曰氣
水葉葉久貯氣熱蒸濕者曰煙氣曰油氣熬熱油尤忌曰酒氣曰穢濁
氣

采桑

育蠶要旨桑葉稱為鮮貨不可多采恐其乾而蠶

不欲食則暴殄矣又不可少采恐遇霧雨黃沙也

有霧甚毒

雨亦不宜黃沙必洗

倘逢大雨用繩經於檐前將桑葉挂上風乾

水漬或用扇揮之小蠶時只采葉片出火然後開剪如

蠶多則二眠即開剪

董熄采桑曲吳下重蠶桑采采朝復暮葦簾愛晴和

濕食忌雨霧婦姑辛勤不得眠筠籠壓背墮曼髻地
狹人稠葉垂盡騰價撐過賣葉船借得幾貫青銅錢
購置飼養俱蜿蜒上山作繭厚復圓縑車伊軋火晝
然羣布不用一縑被一月樓羅半顛顛絲多價賤何
處賣催租人去債主至

董正采桑行朝采桑采柔枝暮采桑采枯枝朝采暮
采不自飽廢置櫛盥愁蠶飢辛勤圖上簇絡繹看繰
絲去年東郡蟲食稻流民牽帥逃鞭笞邨邨乞食餓
且死桑籠雖在誰提攜今年西郡苦冰雹隴麥顛倒
桑離披幸茲獲生聚比戶天所私微陰障晴日小雨

濕茅茨葦簾土銼半涼燠敢憚操作謀荒嬉但願繭
雪白絲價良不訾上輸賦稅下艱食荷鋤其事東皋
苗

董蠡舟采桑一片碧雲籠四野戴鴛聲中見桑者儂
家有地十畝寬半在陌頭半牆下郎憐儂是新嫁娘
嬌羞尚怯遵微行顧語小姑汝子助同向南塍采葉
去宿葉未盡蠶未飢偷閒偶啟白板扉家家閉戶寂
如水拾甚畦邊譁稚子綠陰陰地聞翦聲林中到處
桑梯倚須臾夫壻負部歸堆來滿地青玉肥只願吾
蠶食葉速遠采不辭勞僕僕默思地窄葉無多飼到

上山恐不足保得安全過大眠典卻金釵開葉船

董恂采桑種桑須種儂屋邊儂行采桑近更便提籠
朝朝又暮暮不須南陌還東阡日間飼蠶采猶易夜
行畏露零涓涓良人爲我購竹筵薄暮挑取盈窗前
何待更深復外出愛儂情重儂亦憐所愁蠶多葉復
少不堪無葉偏無錢卻喜今朝蠶不食滿筐滿箔齊
三眠拔釵付郎去秒葉天明餉食難稽延

張樹培采桑曲房頭防夜有狸奴眠對燈檠照影孤
忽被子規驚夢醒起看稀處葉重鋪○桑陰如幄柳
垂街匝月辛勤繫妾懷侵早最愁春草滑倩郎先買

小蒲鞵○斜風細雨最魂銷陌上歸來路尚遙幾樹
低枝儂盡折待郎來取最高條

稍葉

〔育蠶要旨〕如桑地少必須買葉大眠後開葉船買

葉當用十擔先買五擔恐蠶或不佳不至餘葉且恐價

有低昂也如太昂則屑米粉糝葉以飼之

道光二十二年曾有及

此又停葉之法亦稱住葉葉來之時先向陰地上鋪蘆

簾或竹簾葉放其上不可鬆亦不可過緊須將每帖豎

起整齊平直清水灑之謂之封好

一周宜灑三四次

可停三日

或兩日臨飼蠶時將葉放鬆涼透

停處必熱

否則有氣水葉

蠶食卽壞○〔胡承謀府志〕稍葉

湧幢小品作秒

其預立約以定

價而俟蠶畢買絲以償者曰賒稍有先時予直俟葉大
而採之或臨期以有易無胥謂之現稍○遣閒瑣記蠶
時往烏鎮做葉是南潯一敝俗名爲貿易實同賭博究
之得利者少失利者多有葉賤而虧本者有刻意居奇
以致過時不及售者有受市僧之欺并本錢無從追問
者後人會不知鑒爲之不已蓋市易叢集之地便于遊
蕩故樂之而不悔也

董蠶舟稍葉

桑爲湖屬恆產直名曰葉以人人所知也而吾鄉則栽桑地狹所產僅足飼小

蠶曰小葉葉莫多於石門桐鄉其牙僧則集于烏鎮
三眠後買葉者以舟往謂之開葉船買賣皆曰稍吾
鎮之饒裕者亦稍以射利謂之作葉又曰頓葉
凡葉百斤爲一擔郡中則以二十斤爲一箇家家

門外桑陰繞不患葉稀思地少及時惟恐值尤昂苦
語勸郎稍欲早我家稍時在冬月一擔不過錢五百
迨至新年數已懸蠶月頓增至一千未到三眠忽復
變一錢一斤價驟賤夫壻聞之咎阿儂而今欲悔已
無從儂笑謂郎莫爾爾吾家所失殊無幾不見街頭
作子賀切葉人折閱已過大半矣此曹平日子母權計
利析到秋毫巔居來奇貨不肯鬻黃金不飽貪夫腹
去有腰纏返垂囊烏戍歸來唯一哭

董恂秒葉樹桑牆下地不多蠶食不足如葉何鄰翁
明日向烏戍顧語夫壻無蹉跎葉行早晚價不一秒

遲秒早宜猜。摩清明插柳。妾曾卜今年平穩。靡有他
但願初貴後時賤。彼做業者空婆娑。當其貴時儂有
葉。牆陰屋角枝。猗儺待至蠶。長葉已賤。葉船兩兩門
前過。百斤亦祇值錢百。剪刀聲裏多歡歌。

飼蠶

育蠶要旨。大約每蠶一斤。廿四兩秤自收下至上山喫。

葉一百八十斤。

十五兩三錢秤

此上上蠶也。稍平者不到此數。

溫日鑑飼蠶行。桑扈初鳴。麥花落。家家閉戶事蠶箔。
鄉邨四月斷往還。陌上綠雲亞髻鬟。日斜不見青絲
控紫甚。綠枝醉禽弄蠶飢。葉貴空執筐。呼婦須鬻嫁。

時瑞

董蠡舟飼蠶

束粘爲墩曰葉墩又曰草墩用以承刀劉葉如絲以飼之二眠後與完葉三眠

則連枝與之日夜謹飼不令稍飢飢則有斷絲腸之患出火前忌濕葉大眠餉後又惡太燥以潔水灑葉而飼若傷于寒則殞死鬱於熱則破囊俗所謂爛肚也風雨霧露皆足致損在飼之得宜耳

終朝

劉斫費摒擋葉砧束作明月樣絲絲青葉如牛毛細
意聶切何辭勞浹辰之間眠過二眠起便將完葉飼
盼到幾時纔出火連枝喂食無不可只愁霧雨氣鬱
蒸檐前風戾懸長繩小蠶惡濕大宜潤手淪寒泉細
噴嘆調飢未怨朝食遲生怕蠶飢甯我飢蠶飢便恐
絲腸斷未敢片時少稽緩一宵四起黎明興阿母年
邁猶能勝回眸一笑呼小妹鋪筐未了垂頭睡

董恂飼蠶蠶飢蠶飽不可過早起飼蠶何敢惰只愁
飢後斷絲腸那顧女嘸與兒餓辛勤更是小時難葉
濕宜揩大宜剉盼到今朝捉大眠帶葉連枝滿筐簾
所恨連朝風霧深照料稍疏又囊破竟晝縣宵那得
閒幸是兒夫肯儂佐葉乾葉濕要關心與少與多莫
相左夜間飼罷且偷閒和衣暫向牀頭卧

頭眠

育蠶要旨

蛻殼時不食不動名曰眠初眠雖係學

眠究欲其齊朝見眠頭而夕定繖夕見眠頭而朝定繖

其蠶必佳

眠頭欲眠者數十箇也定繖無不眠也雖屬好蠶終不免有青條

俗謂頭眠

頭頂沙

頭戴蠶沙矢

二眠蠶挖蠶然猶不足憑唯看其蠶色

放白蠶身長大旺葉以後漸漸色黃收身褪葉嘴尖有

黑二殼此將眠之候也葉不可多采

每眠並同

不眠者謂之

青條定繅後用礬糠灰糝於面上再用葉片翦開貼在

繅上其青自來謂之引青捉之自盡

不可過遲遲則有起蟻二眠出火多

不齊矣

又將蠶繅細細拆開再用散石灰同礬糠灰拌勻

糝于面上或日光中或火爐上稍稍溫暖令蠶繅乾燥

眠亦易起否則起孃食葉不齊也○烏青鎮志初眠仍

以竹筴細細分開去其殘葉不致傷于濕熱

董蠡舟捉眠

蠶食三四日而眠眠一二日而起是爲初眠俗曰頭眠自初眠二眠至三眠約

半月三眠曰出火出火後再眠曰大眠將眠則食不勤曰紅攬絲又有青攬絲言吐絲也亦作蠟思言蠟

而思眠也他眠而此猶食曰食孃亦稱青孃思欲眠
條眠起曰起孃眠則擿置他器曰捉眠頭猶未眠青紅攬出絲纏縣貯餘筐簠勤拂拭一一移
置當窗前或食或眠難畫一先後相差無半日擿此
未徧彼已眠兩手拮据不遑息傾耳沙沙聲漸小知
是筐中食孃少眠頭欲靜又怯寒捉罷更將帷帟繞
深夜捉眠多苦辛妾容無復桃李春三眠四眠蠶易
老鏡裏紅顏豈常好

董恂捉眠三眠四眠種各異欲眠不眠攬絲未小姑
纔向筐箔看道是今番不須飼紛紛多見紅孃思只
在黃昏眠可遲縱有食孃也不多緣枝求葉無三四

囑姑慎勿貪戲頑晚餐端整炊疏食大家飽飯腹不
飢捉眠好盡今宵事已眠未眠一分曲植籩筐忙
位置手中碌碌猶不閒早見朝曦小窗至

餉食

〔育蠶要旨〕

初眠以後約一周或半周

量天時之寒暖

看繅

上有白絲如絲謂之楊花繅然後可以餉食或看其嘴
上始白漸黃終至稍黑亦可餉食總以眠頭盡起爲度
恐其早晚不齊也○〔遺閒瑣記〕凡眠起餉食如起孃不
甚齊不妨稍遲以俟其齊俗謂之熬

按餉式亮切俗誤讀餉如向乃以餉

食爲送食非也

〔董蠡舟〕

餉蠶眠起始食日餉食倍于前衡之重亦逾倍者里語謂之餉得起反是日餉不起

食盡日葉過因眠頭捉罷夜未央蓬蓬一覺投匡牀

語忌而更也

筐中枕畔兩同夢良人呼起將三商飛蓬雙鬢久罷
櫛今朝偶到妝臺傍梳頭未半娣姒喚可是筐中有
起孃女兒兒新睡起雪色肌膚倍肥美此時飼之
勿太亟少緩須臾乃餉食俄頃葉過惟留莖到耳一
片風雨聲蠶身日長

上聲

蓬日分昔時一斤今五斤

董恂餉蠶吾鄉育蠶以斤擲不以城中筐數論一斤
出火至大眠稱得五斤已無恨今歲儂家喜氣多卻
於此數更有進蠶眠已過一晝夜餉食須教者時趁
大婦提筐采葉歸小姑提甕汲水潤密堆層疊筐蓬

中一色綠雲最嬌嫩到耳欣聞切切聲纔得須臾食
已罄傾籃倒籠從頭添敢令遲延致飢困

二眠 育蠶要旨看眠頭如頭眠法惟餉食不比頭眠及

出火不可過熬

大眠餉食稍嫩亦不妨

大凡天氣寒暖調勻收蠶

至上山一月爲期初眠七周二眠四周出火四周大眠
四周上山七周其中有餉食數周故時候如此但隨天
時爲轉移當七周五周亦可當四周三周亦可過月者
無是蠶也外三眠子無出火只有大眠其時較速更有
頭二蠶雖是四眠比尋常四眠稍早其子即可育二蠶

杭州山中并有三蠶四蠶五蠶然不似吾湖育蠶沿門閭境也

出火〔育蠶要旨〕看眠頭如上法見眠半周後必即用葉

片引青倘天熱尤不可遲

恐其有起孃也

初二眠拆繅卽當燥

繅出火則眠齊後徑將眠頭提出其繅棄之乃用秤權

之

近時廿四兩秤

其捉若干將匾用礬糠灰鋪底置蠶于中每

匾或三斤四斤皆可上用散石灰稍稍糝之鄉人謂之

供俟有起孃卽用繅子預先曬乾拆開放在面上起孃

不至沸騰如天陰用稻柴剪斷亦可起齊後方可餉食

如蠶少買出火須擇其絲緒纏繇者爲上○〔烏青鎮志〕

出火後不事竹筴用手一一取下秤定分攤筐中又有

復生小蠶者爲長

上聲孃

○〔造閒瑣記〕舊法小蠶用火至

三眠去之故名出火近多不用火而出火之名仍相沿不改蠶多則論斤鬻之少則買之俗曰撥出火蠶出火後始有長孃至上山時亦隨母作小繭○虞兆隆天香樓偶得俗以第三眠爲出火不列諸眠之中因以末眠并頭二眠爲三眠三起實則四眠四起也

大眠 育蠶要旨蠶至大眠好歹已定一半好者眠中齊集稍有青條蠶身均勻並無大小其色青白若一周外尚不眠青條無數布漆甚多其面必當棄之凡出火一斤得大眠四斤爲四斤捉得五斤則爲五斤捉看眠頭如前法惟餉食時候比出火可早食葉可灑水

氣水葉終不可

噢

○遣閒瑣記末眠為大眠即大起也此時尤須勤褻

褻括 育蠶要旨蠶性喜溫而又惡濕熱故必褻括褻則

剝去底下一層不使濕熱薰蒸括則取其面上一層而

褻中猶有蠶在內必當搜剔淨盡倘有殭爛白肚空故頭等蠶棄之無遺

無論寒暖每日宜褻括一回而出火及大眠時為尤要

更有救逆之法如爛肚傷熱之故吐水白肚二種氣水葉空頭小

時失葉飢傷布漆身有黑斑點必須勤褻方不傳染如殭蠶

傷冷之故癰孃不上葉生種時對得不深可噴燒酒或甘草水又法以馬

毛鋪在蠶器內可免諸病倘大眠後放地蠶不必褻括

○湧幢小品大起則薙薙則分箔薙早則足傷而絲不

光瑩薙遲則氣蒸而蠶多濕疾

董蠶舟出薙

葉過後枝莖雜蠶矢充積筐中蠶棲其上久則氣蒸於是置網於筐鋪桑於網

蠶就食集於葉上乃舉網而出之筐中之枝莖及蠶矢謂之薙子俗呼蠶沙垃圾以墜地則桑大起已後食倍加須臾止賸枝槎枒枝間遺倍肥

矢更狼藉積來箔底何紛拏滓穢叢殘待捐棄始可再將新葉飼更欲移蠶置別筐一一拮拾談何易惟將罍麗筐上張網中層疊敷柔桑蠶從網下來就食一網舉之誠善策枯莖薙出芻狗陳明日晨炊可代薪豈徒爨下供所乏更得草人土化法亭亭如蓋桑陰遮得氣全賴壅蠶沙

董恂出薤葉裁如縷蠶猶小葉細無餘薤亦少自從
出火過三眠大葉麤枝似芻藁須臾葉過只畱枝倘
教檢取亦難了卻將絲網置筐中一網出之計誠好
枝空畱作爨材供細沙肥沃宜桑稻鄉人勤苦棄物
無能供所需便堪寶最憐竭蹶一月餘徒說山頭如
雪皎待到絲成絲白時唯此區區可相保

鋪地

育蠶要旨大眠餉食一周可放地蠶但著地必鋪

石灰及草柴

柴不可多

方免寒濕及蛇蟲

董蠶舟鋪地

育蠶多而盛蠶器具少者大眠後鋪蘆
葦於地置蠶其上謂之下地蠶郡中及

他方盡然吾鄉則十家中無二
三也唯濱太湖諸邨與郡中同

出火五日大眠過吾

家蠶具備未多區區筐曲盛不足籌量無計將如何
打頭賴有三間屋几榻不妨盡度閣埽地平將蘆蔭
鋪暫借坤靈作蠶簇僅餘臥室在東箱上羅箱篋下
支牀此際已難居入口來歲小兒又娶婦只願蠶花
收倍豐不愁明年無處容別築新居高百堵華堂卽
是鋪蠶所

董恂鋪地今年大眠十倍捉蠶具翻嫌置未足具少
蠶多可奈何幸得農家富於屋房軒用當箔與筐埽
除苦乏僮和僕深賴青紅兒女多一握稻柴如帚縛
各自東西灑埽忙蘆蔭平鋪卽蠶箔只教有地可著

蠶遲計此身偏跼促況是蠶多食亦多堆葉還須讓
屋角臥牀亦撒挂梁間倘要安眠待蠶熟

搭山棚

育蠶要旨空屋一間要乾燥通風離地約四尺

高中用數根木橫住上鋪蘆簾簾上有帚頭立起蠶安
其上卽爲上山○遣閒瑣記山棚宜寬蠶多棚小則同
功繭必多

董蠶舟搭山棚

室中架竹木高五六尺布蘆簾圍草

家度室之廣狹削木如其長廣一尺餘厚五之一四
足如杙子狀謂之山棚發用省架木之勞府志云去
蘆簾尺許以細竹結爲方孔用大眠餉食蠶多老料
以架草謂之花格竹吾鄉所無

理山棚須及早盡將家具庋梁間慚愧儂家屋較小

架木倚竹結構牢去地未及一仞高布以蘆簾平似
砥草薦三面圍周遭上矗帚頭下擦火棚底痾僕往
來可何須更列花格竹不致欹傾亦已足經營拚費
一宵功切誠兒曹毋欲速鄰家家富貪安閒新製雙
筧厚且堅因斯結縛遂草草棚倒塌火蠶被難我家
力不能辦此無恃乃得常無患平山棚歲歲安如山聲
董恂搭山棚蠶老須置山上頭搭山縛棚屋四周中
央巨竹橫又縱上鋪蘆席如平疇高低結束事麤了
忽聽笑語談湖州不知花格竹何取工夫破費真無
謀豈如儂家最省便一般作繭無他愁上安蠶帚下

灼火也如戶牖同綢繆只憐屋低立難直終朝棚底
行偃僂但願今番得大熟明年起屋高於樓

架草

育蠶要旨 帶頭之形與筊帶倒轉相似要灑得開
立得穩不至眠山○湧幢小品作繭用柴帶以禾草爲
之長尺有咫大可一握散布登蠶其上有至二三重者

董蠶丹架草

截禾稈長二尺許大可一握散其兩頭
剉切平之繩束其中列置山棚上使蠶

憑以作繭名曰帶頭冬春間東作未興或風雨長夜
預取枯藁縛束剉所謂之研蠶也柴有惰者至以高
價購諸鄰人云禾稈一握二尺高縛作帶狀繩束腰兩頭坐

切平若砥礪立豈復愁傾搖架構山棚已就緒左右
前後排以序斜斜整整密於林犬牙出入相撐拄去

歲豐收饒稻，黠結來草堵如高崖。冬舂白米已上囤，
乘閒先斫蠶忙柴。不憚勞勞到深夜，閒時肯忙忙得
暇。今朝用去尚有餘，賣向鄰邨博高價。

董恂架草。去年田熟多收稻，清白枝枝不枯槁。先畱
今歲蠶忙柴，幸是藏多不嫌少。須教平截一樣齊，二
尺許長乃正好。每草一握中束之，散其兩頭計亦巧。
不疏不密置山頭，不高不低互相繞。簾上先教次第
排，那容欹側愁傾倒。日來寢食竟無閒，架草搭棚事
難了。聞說鄰家繭已成，來歲收蠶也宜早。

上山

育蠶要旨將上山，則有考孃

考或作巧

色黃收身不欲

食葉與欲眠同而沸騰不已周身通明與欲眠異

倘通明而

無絲腸又是空頭由於小蠶時餓也小蠶不可失葉直至上山始見悔之已晚或云蠶沙入水

浮亦欲上山也上號好蠶上山後卽做半周卽如白雪謂之裹身一周有聲兩周無聲在內細作人不可動四周做好方可採取如上山不做繭必是爛死殭蠶及白肚見有兩周後尚不做者卽當輕輕拾去不可使其壞在帚上有礙好繭也○湧幢小品大起六七日爲熟巧爲登簇巧以葉蓋曰貼巧驗其猶食者也簇以葉覆曰冒山濟其不及者也

董蠶舟上山

蠶將熟脰節瑩徹吐絲繚繞謂之繚孃於是撒置山棚上曰上山一二日間皆

作繭矣郡中上山後往往有白蠶之灾所見之繚孃
地繚繭一空故擊鉦鼓以驅之吾鄉則無是也繚孃
不眠亦不食脰節通明無葉色撒向帚頭俾作繭早
晚不過一二日盤盂一一各分盛盡喚家人來并力
儼似迴風舞六花飛空齊向山頭擲日未過晡事已
竣久勞得逸翻欠伸棚邊席地聊假寐膏騰睡思濃
於雲何事鄰人競奔走伐鼓擬金疑逐寇婦女駭詫
兒童藏其說弁山來白蠶聞言瞿然遽驚起浸階明
月涼如水夢想顛倒乃若是一笑吾鄉本無此

董恂上山縛棚初就蠶都熟已見繚孃滿蠶箔合家
飽食趁朝閒拊搗今朝蠶上簇小兒捉蠶盛向盤大

兒上蠶據山角取蠶散布蠶草間疏疏密密山頭轟
今年蠶好勝往年卻苦山棚限于屋上山已罷暫休
息棚底相偕坐瑟縮小姑作勞倦不支看山卽向山
旁宿關心忽憶嫁衣裳軋軋聲驚眠不足

擦火 育蠶要旨山下著火一周用炭火甚旺○遣閒瑣
記南潯去城七十里耳城中曰養蠶南潯曰看蠶其名
已異而育蠶風氣不同之處甚多卽如山頭草帶城中
以稻草屈而扭之兩頭向下其形下大上小南潯稻草
不屈束腰偏下其形上大下小又棚下擦火城中必蓋
以灰不欲其過熱南潯則必吹使極熾蓋城中作肥絲

南潯作細絲各有所宜也又有冷種不必用火○湧幢
小品湖郡每蠶忙時必有小鳥連叫曰澈山看火其聲
清澈可聽蠶畢則止蠶室暖育者倦極常有火患○烏
青鎮志熱炭山棚下曰擦火廣韻擦桑制
七曷二切使熱上升則
乘此縈絲作繭不停口而盡出腹中所有矣

董蠶舟擦火

上山後遇輕陰薄寒即熱炭於山棚下
蠶喜溫和故也縣志謂之炙山吾鄉謂

之擦火亦曰灼山府志云先是有鳥鳴如日葉貴了
至是又鳴曰灼山看火意似相警者吾鄉亦有之

棚底輝輝燭火爛老瓦盆中熾薪炭更番守視不遑
安自明至昏又達旦性愛溫和平怯寒沍要得微陽相
嫗煦煥氣掀騰舉體熱乙乙抽毫絲不絕靜中似聽

唧唧聲山頭作繭半已成去歲連旬不開霽市中炭
值頓翔貴今年天氣猶暄和差喜所用猶無多祇恐
周防稍怠慢祝融回祿能爲患東家峩峩好堂宇可
憐一炬成焦土樹杪禽言如警我請君灼山須看火
董恂擦火山前山後聞鳥聲灼山看火作意鳴蠶性
愛暖要火力紛紛薪炭盆中盛山頭繭密白似雪山
下火烈同光明繭聲唧唧響不絕祇覺暖氣周掀騰
全家聚坐共閒話門外忽爾喧囂生東家擦火失防
檢不幸飛燄延柴荆四鄰奔救咸歎息可憐一炬無
餘贏歸來舉室共相戒慎勿貪睡當兢兢

回山

育蠶要旨

如用火三周回山不用火四周回山

不動

不易出蛾如少人做
絲可遲一周回也

每出火一斤收繭五斤爲五分十

斤爲十分稱繭

廿四兩秤

或八斤或七斤爲一弔

不可再少
恐做絲單

薄無神
氣也

兩弔可做絲一車必須安放匾內令其涼爽毛

繭易蒸恐其出蛾也○湧幢小品

三日而關戶曰亮山

五日而去藉白除托七日而採繭爲落山○烏青鎮志

過三日撤火開戶去蔽令風燥透繭易于繰絲否則類

多難繰而虧折寡斤兩矣

董蠶舟回山

上山七日後采繭曰回山縣志云大起
時稱得六斤爲一筐每筐收繭一斤爲

一分以十二分爲中平過則得利不及則失利吾里
則以出火一斤得繭一斤爲一分遞增至六七分爲

中平十二分爲上上矣諺云蠶
花廿四分乃頌禱之夸詞也

西鄰傷令蠶則疆東

鄰過熱蠶破囊功敗垂成自古有奇變難防上山後
山前百徧行徘徊七宵魂夢常驚猜凌晨一眺喜過
望滿山雪壓光皚皚踢壁大聲呼起起吾家今日回
山矣繭多還恐器難盛檢點瓶罍及筐篚勻圓萬顆
明珠垂間以黃碧光陸離堆來高與山棚齊不須如
甕誇神奇持衡細把分數計何敢疑心望廿四卻嗤
老嫗太貪愚還祝明年勝今歲

董恂回山屈指上山已七日山頭璀璨堆如雪層層
密壓滿四圍蠶簇不分只一白明珠纍纍相貫聯不

須如甕誇園客今朝已屆回山期相呼并力全家集
男兒取高還取低婦女采疏復采密只愁繭多無處
盛草筵桑籃盡堆積去年記得十分收何幸今年一
倍得爭把權衡度重輕婦姑兒女齊歡悅

選繭

育蠶要旨剝去繭衣擇其圓白者其中有同功繭

一繭兩蠶

黃繭綠松繭棱角繭

限於地而不能舒展故不圓

尿暈繭

為他蠶所

汗爛死繭

作繭後即死

薄繭

力不足

香眼繭

大眠後為麻蒼蠶所蔽作繭後其蠅

子自出而有此眼也蠶時蒼蠅必須常拂點線香亦避

當一一選出然後其絲光

而且白鄉人往往貪重選之不淨以至其絲黑色其實
多而不精無益也況所選出各繭亦非無用同功繭上

者可做絲次可剝縣黃繭綠松繭可做經絲亦可做緯

絲黃絲染紅色最鮮稜角繭亦可剝縣尿暈繭可做麤絲爛死

繭薄繭可做漚花香眼繭亦只可剝縣外此者做絲所

剩滯頭及繭衣此二者當煮熟河中敲軟可打縣線沙

縠可作壅蛹可燭食亦可作壅蓋蠶之一身無一物無

用也

董蠶舟擇繭

按府志繭之類不一有被汙而緒衰者曰推出垂成而蠶死者曰烏頭蠶口傷

不能爲絲者曰繇繭兩蠶共成一繭而緒亂者曰同功又有黃繭碧繭黃者緒粗碧者質厚此類皆別擇之以不中繅也繭外散緒曰繭衣俗謂之繭黃助擇者剝剔去之卽爲所得以代雇值云呼兒堂

前撤山棚命匠新造絲車成速招鄰媪助擇繭選來

瞭趁天晴明繇繭黃繭區以別良苦醇疵細抉擇今年差幸少烏頭不乏同功與推出此類惟供煮作繇其餘一色光瑩然繭衣蒙戎搓作團持贈鄰媪爲傭錢畱取幾枚白勝雪去蛹藏儂鍼線帖他時攜往阿母家倩人翦作鞵頭花

婦女翦繭作花置鞵頭上繡以綵絨曰鞵頭花里俗所尚

董恂選繭烏頭推出繭不一更有同功縑不得儂家幸是好蠶花潔淨光明同一色東鄰西鄰繭更多碧繭黃繭不勝擇倩儂相助遴選之卻緣瞭繭無暇日偶遣嬌女暫分忙可笑童心猶似昔翻將白繭幾許藏道是明朝逢午節鏤出新花待繡鞵翦成飛鶴堪

簪髻排車作竈事紛紜坐向深閨不肯出

纈絲

育蠶要旨絲欲其細而白欲白必多換湯水欲細

不可惜工夫又絲竈必須用煙囪使煙直透絲上無煤氣燒柴亦須揀擇最好是栗柴桑柴次之雜柴又次之切不可燒香樟其氣能使絲紅色絲必欲其好做好做則蠶蛹身上無衣絲多而工夫不費若好做而繭選得白是爲上號倘繭白不好做終是次號因繭在湯中多滾去其顏光矣其故由於上山時潮溼悶熱則絲必不好做上山之不可不講究如此○志彙近時多有往嘉興一帶買繭歸纈絲售之者亦有載繭來鬻者纈時熾

炭於絲輪之下則絲速乾而有光謂之擦車頭火

董蠡丹縹絲

曝繭於烈日日曝繭陰雨則火烘之使蛹不化得以徐縹之絲之粗細視繭多寡三四枚合成一緒者細至七八枚則粗又有三眼

兩眼之別其輕重以車計每十兩爲一車宋雷西吳里語云細而白者曰合羅稍粗者曰串五又粗者曰肥光吾鎮唯有細絲肥絲肥絲多同功繭之不亂者所縹俚語謂之唐公絲聲之謬也諺曰小滿勸三車謂油車水車絲車也

舍南舍北綠樹

濃軋軋聲徹邨西東竈燎薪蒸傍熾炭轂回軸轉如旋風解眼已過湯正沸赤手招來緒無旣如衣挈領網在綱眾縷皆從一頭曳一蠶爲忽十忽絲繭數由來多寡異三眼兩眼復不同縹成以此分粗細手拏足踏珠汗淋阿姑憫儂勞不任令儂少息起相代追

涼閒步來深林林邊偶值鄰邨嫗爲語今年絲好作
去立談半晌急趨還如雪刺梅滿歸路入門相視一
笑譁滿頭插徧纈絲花

董恂纈絲

絲車有三眼兩眼之別三眼爲細兩眼爲粗細絲每車三板粗絲每車兩板凡絲之

輕重以兩計或十兩爲一車或十餘兩或二十餘兩至不等也鄉人故有大車頭小車頭之名絲成
論車以兩計兩眼三眼別纈細手捺足踏爾許忙爇

炭焚薪水百沸鄰家老翁身手好一樣作絲更光膩
他家蠶早絲已成聞說歇車已無繼當時儂早下聘
錢一車兩車肯儂替阿姑助理不勝勞換水添薪最
畱意白繭通教纈合羅其餘只好肥光曳更抽黃繭

作絲團奉與阿姑姑所喜

剥蛹

胡承謀府志繅絲未盡之繭曰軟繭剥以作絲繭

之下者繭中蛹俗謂之蠶女

董蠶丹剥繭

繭質過厚且粗繅時浮沈水面不得盡其緒口軟繭留以作絲取蛹棄之或以

油煎食之

串五合羅繅罷早蠶事今年已粗了農家

曰煬蠶女

那得常優游薄筐滌淨俱藏收煮餘軟繭猶堆積緒
亂質粗繅不得少遲便恐蛹蒸腐棄置未免同雞肋
綻衣縱未純絲如撚絰作線原無殊剥來蠶女煎作
鮓堆盤還足充庖廚投筴令予三歎息藉爾謀生翻
爾食漠然未是負心人世上紛紛怨報德

董恂剝蛹繅絲煮繭事已竣良人戽水忙插田呼兒
洗刷潔蠶具阿儂今日多空閒鍋中賸繭軟且薄絲
頭已斷難相聯其中蠶女猶待剝莫教臭腐徒棄捐
趁此長日一事無相偕去蛹臨窗前沸湯浮沈煮已
熟薄者薄絮厚者繅地藏王誕日已近燒香茹素年
復年他時抱向街頭賣施與和尚爲香錢

作繅 育蠶要旨剝繅有環繅手繅之分手繅剝在手上

環繅則有竹環

董蠶舟作繅

絲有頭蠶二蠶之別以頭蠶爲善繅亦如之絲之上者同功繭所作謂之純繅

推出次之蛾口又次之烏頭軟繭爲下繭已出蛾者爲繅曰蛾口繅軟繭爲繅曰軟繭繅用纖繅綢其餘

槩曰縣而已作縣須晴日陰雨則縣不速乾而縷脆俗謂作縣曰剝縣兜清風冷然日卓午煮繭香中聞鑠釜老晴難遇熟梅天妯娌相將同剝縣蛾口居後同功先竹架彎彎白月圓土銼烈烈朱火然瓦缶漬以泉涓涓水中擘出架上懸當風高挂蓬門前潔如素紙薄且堅笑謂小姑速相助先著衫襦奉翁嫗仲冬二七是良期雙星已近銀河渡好染新紅裝嫁衣與姑將向郎家去

董恂作縣同功推出不中繅用以作縣白且嬌更有蛾口好種繭汲水同向鍋中燒陰雨怕近入梅候朝來喜見晴光搖相偕妯娌趁早起劬勤那惜身手勞

瓦盆漬水潔且淨輕剖重掣十指操疊成一絲繭八九竹竿挂向風中飄卻憐盡供償逋用溫暖只讓財奴驕何曾作絮身上著嚴冬不免寒仍號

澣絮

遺閑瑣記水絮一曰繭黃一曰澣花一曰滯頭並

須煮熟水中澣之又有絲拈頭不必煮澣皆以撚絲線但視純絲爲費功耳其中以繭黃爲上

董蠡升澣絮

軟繭之厚者以作絲其次則煮之承以簾浮水而漂擊數過卽成絮名曰澣花

新絲賣卻償加一新絲準折還租畢僅餘軟繭是麤材區區猶是儂家物春花豆麥方登場夏至已過齊插秧阿儂此際獨無事剝煮功多趁日長煮成要借

清流激小竿持至溪頭擊揀取一方涼最多柳陰濃
處來泚泚晚來邂逅東家姝爲言夫婿耽撈蒲漂成
攜向博場去不足供渠一夕輸

董恂泚絮擇繭繅絲事已畢軟繭剝繅薄難疊亂頭
墜緒更紛紛倘教棄置甯無惜幸喜今朝事不忙繭
衣同向湖邊泚蓬底平鋪水面浮綠楊陰裏無炎日
一手持竿擊不停跳珠那顧霑衣濕卻有鄰孃作伴
來渡頭閒話消岑寂道是新絲賣不畱好絲又爲私
逋質賴此粗庸不值錢至今尚是儂家物

生種藏種

育蠶要旨種爲來歲之計最宜講究種蠶當

另行看開必頻頻飼之不令稍餓上山時不可用火採

繭後安放靜處十八周後

如天熱不
到此候

有蛾飴出其繭口

金門爲上

黃

銀門次之

白

出蛾後

總在五鼓飯後
即有之亦稀少

即對

對交媾也淺交不可過交亦不可

如未對即將雌雄捉成對

如雌多雄少雄蛾可

復對解開時須深黃昏方可

約申刻解開將布一方挂在空中捉蛾

放上

亦有川厚紙者

自能抱布須臾即生子矣出蛾當分三朝

初朝不過數十隻第二朝極盛三朝又少以後不可用

矣收藏布種之法生種後其色必戰紫戰色後可用石

灰篩在上面交夏時必須用絲薄包外面用紙裹好恐

有蠹魚傷子待浴種時再打開浴後仍必包裹來歲方

得無礙○烏青文獻沃以繅絲之湯則子不落貫以桑

皮忌麻苧之線懸於涼處忌煙熏日炙大約畱種繭十

斤可得三眠之蠶四十斤

擇繭之尖細堅厚者腰小者雄也腰大者雌也相兼而收

董蠶丹生種

大眠起擇蠶之健食者別置之倍與之食作繭與他繭異俟蛾破繭出取紙一

方引蛾布子其上謂之蠶布種蛾生子後棄水中府志曰小兒引蛾置水盆旋轉而游祝曰阿蛾轉團團

今年去了種蠶食葉一倍多作繭別貯畱生蛾輪因來明年

密緻厚且白持比他繭難同科閉置笥中過旬日栩

栩齊看破口出龐軀粉翅兩眉彎雌雄相對排成列

赫蹏裁來一尺長將蛾引著紙上方少焉生子已布

滿如芥如粟紛難量烏盡良弓藏不用一時齊向東

流送贏得兒童喜欲顛祝伊去了來明年

董恂生種

蠶蛹之化天暖旬餘卽出然極遲亦無過十八日者故俗有蛾頭長蛾頭短之語

種蠶食葉倍於衆種蠶作繭大如甕莫辨蛾頭短與長已見蠕蠕繭破縫須臾蛾口出紛然粉翅修眉堪鄭重雌雄相配各成雙軀腹胙肚子已種引蛾紙上密密生紛紜散布無缺空似此么麼細已甚衣被翻爲世所用一年一度轉團團功業何人能與共卻恨蠶家太負心佳種生成水濱送

望蠶信

遣閒瑣記鄉人極重望蠶信有不至者以爲失

禮蓋非特蠶時禁忌久絕往來亦以蠶事爲生計所關

故重之也

董蠡舟望蠡信

謝肇淛西吳枝乘曰吳興以四月爲蠡月家家閉戶里間往來慶弔俱罷

不行謂之蠡禁吾鄉里語謂之闔蠡房門至纒絲時咸黨咸以豚鰾魚鱮果實餅餌相饋遺謂之望蠡信

親串過從情密邇昏姻不出一鄉裏課時問雨每相
偕只隔盈盈衣帶水一自蠡房深閉門從教彼此絕
音塵不知蠡信今何似消息傳來苦未真算來前日
回山始料應今日纒絲起江魚白白枇杷黃去問諸
姑及伯姊沸耳伊軋搖車聲絲竈滿室縱復橫入門
一笑不須問黃上睂間喜氣盈

董恂望蠡信有蠡無奈忙蠡節親朋遂使音塵絕道

是蠶家禁忌多不教來往成疏闊邇來鄰右競回山
間得收蠶同一日未識收花得幾分搖船親自採消
息門外相逢一笑迎紅燈昨夜花曾結入門無暇道
寒暄致語先教詰得失歡呼只有稚兒慧翻道客休
問盈歉試聽農家軋軋聲絲車十部縑還急

賣絲

湖錄小滿之日必有新絲出市諺云小滿見新絲
沈樹本城南棹歌白絲縑就色鮮妍賣與南溟買客
船載去姑蘇染朱碧阿誰織作嫁衣穿

董蠡舟賣絲

鎮南柵有地名絲行棗列肆購絲謂之
絲行商賈駢坐買絲者羣趨焉謂之新

絲市行有京莊廣莊之分閭閻填噎馴僧忙一膀大背絲

經去聲行就中分列京廣莊畢集南粵金陵商商多竊

揣絲當貴亟向絲行塙上賣一車值不盈三千牙郎
吹毛恣狡獪相逢南舍足穀翁亦爲貿絲來市中向
予搖手呼莫莫問待明年高價鬻深感翁言良不誣
其奈霹靂飛縣符打門胥吏豺狼如不爾何以輸官
租況復私逋遞相促二者兼償猶不足典去布襦幾
時贖袴露兩尻跣雙足三旬勞勞睡不熟那得一絲
身上著

董恂賣絲

吾鎮絲市最盛向之頓葉者至此則轉而頓絲焉

初過小滿梅正

黃市頭絲肆咸開張臨衢高揭紙一幅大書京廣絲

經行區區潯地雖褊小客船大賈來行商鄉人賣絲
別粗細廣莊不合還京莊行家得絲轉售客蠶家得
錢不入囊急尋過付算私債所負加一錢須償償時
不難借亦易小民意計工周防那知贏餘卻有限年
年空爲他人忙

酬神

遺開瑣記里俗所祀蠶神曰蠶王天子曰馬鳴王

菩薩又有蠶花五聖○育蠶要旨凡寅申巳亥年大姑

把蠶子午卯酉年二姑把蠶辰戌丑未年三姑把蠶

按馬

應京月令廣義作四孟年大姑四仲年
二姑四季年三姑與今俗所傳者異

黃蠶舟賽神

府志曰俗呼蠶神曰蠶姑其占爲一姑
把蠶則葉賤二姑則葉貴三姑則倏貴

倏賤吾鄉俚俗亦有是說又叢祠間有瘞婦人像而
乘馬者俗稱馬鳴王卽搜神記所載馬頭娘也近日
始有立廟祠苑窳者有蠶之家出火大眠時皆祀
神謂之拜蠶花利市其禮視蠶畢之祭爲殺云
寒驟暖蠶無疴燥濕有患煩護呵蛇鼠不耗葉不貴
蠶姑降福亦已多貧家何以酬神惠牲醴潔蠲恭報
賽挈籃市物向街頭拚把新絲一車賣花冠雄雞大
甌首佳果肥魚舊醪酒兩行紅燭三炷香阿翁前拜
童孫後孫言昨返自前邨聞邨夫子談蠶神神爲天
駟配嫫祖或祀苑窳寓氏主九宮仙嬪馬鳴王衆說
紛綸難悉數翁云何用知許事但願神歡乞神庇年
年收取十二分神福散來謀一醉開圩明日到處同

插秧農父多怒怒又將疊鼓祈先農

董恂酬神育蠶有秋生計足蠶家有願向神祝今年
大好稱意收酬神拚費絲一握九宮仙嬪馬頭孃稽
首焚香更燒燭甕中有酒新釀成割得雄雞配豬肉
願神覆庇自年年絲滿筐籠繭滿箔大兒祈禱拜不
休小兒索果爭唬哭迎神已罷還送神酌酒撒看事
忙碌晚來閑坐聚堂前得意高談散神福

田家占驗 志彙正月元旦侵晨占風東南來則稔東及
東北次之西則歉一日爲雞二日爲狗三日爲豬四日
爲羊五日爲牛六日爲馬七日爲人八日爲穀九日爲

蠶十日爲麥晴則吉一日得辰爲一龍治水至十二日
得辰爲十二龍治水少爲雨多多爲雨少一日得丑爲
一牛耕地至十二日得丑爲十二牛耕地少爲勞多爲
逸一日納音屬木爲蠶食一葉至九日納音屬木爲蠶
食九葉少主貴多主賤入春暖則晴寒則雨

諺云春寒多雨水

雷則久雨

諺云春雷十日陰若要晴水生冰

元宵大風主油貴二十日

雨爲天穿主雨多二月八日爲祠山神生日西南風主

有秋前後必有風雨釀寒謂之請客風送客雨

諺云祠山大帝

喫凍狗肉

十二日花朝宜晴十五日雨主歉驚蟄之前不宜

有雷

諺云未蟄先熱人喫狗食

三月三日晴雨俱主葉貴陰雲不雨

則蠶大熟

諺云三月三日晴桑上挂銀瓶又云三月三落雨落到繭頭白

寒食宜雨清

明宜晴清明斷雪穀雨斷霜

亦諺語

春甲子宜晴

諺云春甲子雨

乘船入市

四月十四日晴主歲稔二十日忌雨寬立夏小滿

日宜雨五月有壬子破日主水七日八日十一日並宜

晴

諺云不怕端午端六只怕端七端八又云大旱只怕端十一

十三日爲關帝生日

有雨主無疫癘

俗稱磨刀水

芒種後逢丙入梅小暑後逢未

出梅

或以芒種後逢壬入梅夏至後逢庚出梅

入梅日雨主旱

諺云高田只怕迎梅雨低

田只怕送時雷

夏至宜雨忌西南風

諺云夏至西南設小橋

夏至後半月

爲三時頭時三日中時五日末時七日忌雷忌寒三時

以後東南風連晝夜日船越風主久晴二十日爲分龍

日忌雷雨主旱

前此雨行必偏此後雨則或廿一日雨及或不及諺云夏雨隔牛背

主稔

諺云二十分龍廿一雨石頭罅裏都是米

六月三日有雨則日日有之

諺云六月初三一箇陣上畫耘田下畫囤

六日宜晴雨主水小暑日雷主水

諺云小暑一聲雷丁倒做黃霉

三伏中日出時卯上有雲則有雨庚日

有陣雨則連十日皆有陣盛夏宜熱

諺云六月不熟五穀不結夏甲

子宜晴

諺云夏甲子雨赤地千里

七月七夕雨主穀少立秋日忌雷

諺云秋享鹿損萬斛

丁卯日忌雨

諺云雨打秋丁卯田中樓爛稻

八月一日雨主

早白露後忌風雨

諺云處暑雨田裏米白露雨偷稻廿鬼又云白露自迷迷秋分稻秀齊

四日爲稻草生日雨則藁腐

諺云憂憂憂憂到八月廿四五更頭

九月九

日宜雨主來年熟十三日晴則一冬少雨

諺云九月十三晴釘鞵挂

斷秋甲子宜晴諺云秋甲子雨禾頭生耳十月內風頻作謂之五風

信十一月十七日為彌勒佛生日東南風則米貴西北

風則米賤冬至後九日有雨雪則每九皆然諺云除夏起時連冬

起九十二月上中二旬有雪來年梅水盛三日宜陰雨諺云

臘月初三晴陰濕到清明十二日為蠶生日宜晴冬甲子宜晴諺云

子雨飛雪千里大寒後戌日為臘臘雪主年豐又諺語占豐歉

有云有春好看蠶無春好種田謂立春節柴貴荒年到米貴

熟年來蒼蠅不喫貴米飯蒼蚊熟蝦荒蟹亂占晴雨

有云久旱逢庚落久雨逢庚晴丙不藏日六月無夜陣

東豨口頭西豨雨俗呼虹朝霞不出門夜霞行千里攔

潮雨好曬被明星照爛地有雨落弗泊早晴不是晴晚

晴曬殺人雨前蓬花不肯落雨後蓬花不肯晴

細雨不濕塵者

俗稱蓬花雨

貓乾狗濕

貓飲水晴狗飲水雨

占風有云春東風雨祖宗

北風兩頭兇南風腰裏硬西風不過西東風無休歇單

日雙風雙日單風占霧有云春霧雨夏霧熱秋霧涼風

冬霧雪霧露醒跳下井

言天熱也

三朝霧露發西風占寒暖

有云老健春寒秋後熱

言不久也

未喫端午糴寒衣不可送

喫了端午糴還要凍三凍○湧幢小品春雪不宜過多

若多則百廿日必有大風雨俗謂之雪報最傷農○又

俗云夏至有風三伏熱重陽無雨一冬晴驗之殊不然

及閱臧精符云夏至酉逢三伏熱重陽戌遇一冬晴乃知俗說之訛也。又吳中五六月間梅雨旣過必有大風連數日土人謂之舶趕風云是舶商請於海神得之凡舶遇此風日行數千里雖猛而不爲害。烏青文獻夏至後九九氣候一九二九扇子不離手三九二十七冰水甜如蜜四九三十六拭汗如出浴五九四十五頭戴楸葉舞六九五十四乘涼不入寺七九六十三上牀尋被單八九七十二思量蓋夾被九九八十一家家打炭壑冬至後九九氣候一九二九相叫不出手三九二十七籬頭吹簫簾四九三十六夜眠如露宿

一作鷺鷥
作方纔

東得 五九四十五太陽開門戶 一作窮漢街頭舞 六九

五十四貧兒爭意氣 一作和尚不出寺 七九六十三布

衲兩頭攤 一作破衲足頭擔 八九七十二貓狗尋陰地

一作口中 九九八十一犁耙一齊出 一作三句云窮漢

咽暖氣 睡蚊蟲 〇書城雜著占水旱蒹葭初生剝其小白花膏

之味甘主水蝕主旱梧桐花初生色赤主旱色白主水

冬青花關係水旱其花不落濕地諺云黃梅雨未過冬

青花未破冬青花已開黃梅便不來鳳仙花五月開主

水芒種前藕豆花開主水占豐歉桃李實多者來歲必

稔占雨水鵲巢近地其年大雨占晴雨鳩呼婦晴逐婦

雨鴉浴風鵲浴雨入哥浴斷風雨蜘蛛添絲晴弔水雨
蜻蜓亂飛主雨魚浮水面主雨水氣腥立時雨水面生
青靛天公又作變

風俗

汪曰楨撰

南潯鎮志廿三

俗好儒術罕尚武藝

胡承謀府志
引吳興統記

志稱烏程爲東南淳邑俗樸民恬今觀潯鎮良然舊有鐵
練市銅烏鎮豆腐南潯之諺此先聖所謂南方之強者
耶今雖稍不逮古然視他鎮猶霄壤矣齒亡舌存庸詎
非福哉士人多修雅自好文學烝烝甲于一邑云

潯溪
文獻

縣志稱民務本圖不事藻飾讀書類見東境此不獨爲潯
言而於潯洵不誣也邇來風會日趨稍不如昔奢靡漸
啟冠婚喪祭並尚繁文頗有僭踰之風男女信卜筮崇
淫祀疾則先禱禳而後醫藥且喜演劇社賽其狙于習

尚如此

董志

湖俗重釋而潯尤甚每遇喪祭例作佛事僧家類用簫管笙笛高聲梵誦俗謂細樂此爲善俗之累在所宜禁

同上

潯人每至新正婦女不分老幼俱豔妝入廟燒香念佛酬愿皆由僧尼以輪迴因果之說蠱惑如是其東禪堂嘉應廟二處香火尤盛每至七月九月士女雜遝喧闐旬

餘

同上

衣服向多野樸布衣之外紉絹本白土產民間尋常穿著亦不爲異今則佻達少年喜爲婦女紅紫之服新巧屢更甚可怪焉

同上

飲食薄素儉約無奢靡暴殄之習今則筵宴肴饌必極豐
腆謂非是則陋卽貧窶之家或不惜典貸爲之甚至凶
喪之中亦用葷饌珍錯爭奇鼓樂歌唱竟同讌飲者同
市鎮鄉村每多魁猾奸黠武斷鄉曲春間奮身釀金搭臺
演戲勾引博徒遊兵賭博之外近有旋設磨錢鬪牌棋
勢之類迷誘良民爲惡不一相習成風窮民墮其術中
賣妻鬻子或流爲盜賊高必騰縣志。按近年更有花
鼓戲及字寶尤爲風俗之害
儒家以禮義綱維紃誦之聲所在都有今則貧士多奔走
衣食有恆產者復受制佃戶日苦稅糧餽粥不給鳴琴

在室者幾人哉

同上

鳥程上十區之民多貧下十三區之民稍富若十六至二十三區處邑之最東與平江嘉禾接壤中有南潯烏鎮馬要淤溪諸大鎮其俗男耕女織民頗稱殷自二十年來下區之富亦蕭然矣

同上

商賈惟湖濱及南潯烏鎮之人往楚豫間貿易

同上

風俗往最近古而樸其士人雅稱率素闊達而峭直猶有先民典型其里閭力本重穡終歲勤動唯斤斤以儉勤長子孫無敢傲康以墮先業自樸一散而習於煩貌潤言甘軟美少骨因是繁縟其節文綢繆其款接命曰周委而俗始趨佻矣迨樸又散而習於夸鼎食綺衣競相

廼效空齊民之蓋藏以矜追逐自謂未能免俗而俗始
趨汰矣迨樸又散而習於媮曠業情農游閒陸博幾市
與野爭民徵貴者走死地如鶩轉嗤昔人無知而俗始
趨蕩矣迨樸又散而習於澆目詡眉語狙巧鬪捷正直
爲顛清修爲拙謔浪槩於尊親機關騁於骨肉而世俗
流失敗壞濫觴將何所底止語云已彫已琢還返於樸
善返樸者當塞其翹然自張之溢情而獨尋穆然渾噩
之初意端在坦夷用在儉嗇本在力農道在敦厚其轉
移係涖斯土者而共砥風靡士大夫與有責焉

胡承謀
府志引

茅瑞徵澹
樸齋集

俗好淫祀最信五聖又有金元六總管七總管市井中目

爲財神建廟尸祝每月初二十六日用牲醴與五聖同

饗名曰拜利市

湖錄。按并有託爲鬼神憑附人身言人禍福者愚夫婦翕然信之近年尤甚

滯上古風最樸多有至老不見官長者遇儒士輒生敬畏

卽富有益慎持近則成童皆能肆口於公庭毫無懼色

度恐健訟將成俗習也更或無因啟釁編捏謠言汙讒

良善此雖一二慣筆易致染惹成風且讀書不見貴於

人並宜酌之凡爲士者不犯口過陰功最大俾邦人子

弟有所懲勵焉

范志

李樂見聞雜記云官無大小皆稱曰老人無老幼皆稱曰

翁曾於題疏中見此四語今以老字復加於無官年少之夫謬舛甚矣趙吉士寄園寄所寄云禮冠而字之敬其名也同輩相稱以字近世諛佞成俗直稱表號以爲簡慢遂僅呼一字而以翁老承之雖少年穉子無不蒙此稱者余讀莫氏八林有未四十稱翁者作詩譏之今更不爾可姍也按潯人頗有此風故特著其說

志橐。按潯人

多以字行非其東不稱名向時有別號者甚少雖有亦無稱者今則童子亦稱別號矣

自婚嫁競尚華侈而溺女之風遂盛鄉間尤多近年頗有善士逢人勸喻者然不能止也又嫁殤冥婚相沿成習而劫婚之事鄉民亦時有之

同上

董漢策普勸同里修德禳災說吾聞修德以禳災未聞佞神以求福也異哉吾潯旣佞神且玩侮焉是請禍也豈召福耶自兵燹焚掠以來甲第爲邱墟白骨徧原野所在皆是潯獨晏然豈天獨愛潯民而燠煦之夫亦惟是潯多善人食餘福焉何爲今之人乃有食福不知反請禍者地祇號總管大率歷朝大帥涖茲土死於王事遂血食於茲所謂有功於民則祀之者累有胙蠻里中父老果欲奉祀請福則崇其廟貌修其香火可也父老不察競侈靡爲賽會之舉斯亦過矣夫賽會之舉其害於民者四有可隱憂者三請

得而詳言之潯里凋蔽極矣歷年晏安競爲華侈或
家無餘石而美味鮮衣虛自文飾且錢貴穀賤農不
交易貨權日輕富賈坐困風之以節儉猶恐未足今
賽會費以三萬計比戶輸納如償官逋雜用綵綵鼓
樂糜耗百出鎮民之姻好故舊聞聲相約競出游觀
聚族奔馳來就所親三日蠶食瓶空囊洗其費更不
可計此其害于民者一也未會前三日會首援旗數
十杆鳴鉦叫號晝夜不絕巷不甯居冊籍所到稍反
脣則羣詬諱之甚則捽擊莫敢誰何貧民懦士含怒
不敢言其害于民者二也將會則昏愚無知之徒捨

身聽役

如吏書阜快等皆居民充之中軍旗鼓

黠者

執冊點傳後至則加以鞭撻

按地重責無異憲司含痛不敢言者無數

既

受責已復索杖錢

此真咄咄怪事每下納費一二星

革役歸來羞見

妻子或復營充旋相炫耀更可異者平民縱觀賽會

或突起攫去

或指稱衝節或指稱鎖挈聞人也

詞訟紛紛

有告狀具呈者不一

而黠者佯為囑託息訟取資

既具呈狀遂央情說合歸息可怪之至愚

民所費無算其害於民者三也於是射利之徒巧作

興販奇技淫巧競為炫惑物價踊貴而宴會所需不

得不買民貧益甚實飽奸壑其害于民者四也夫若

輩所以輒為此者止以貧窘無聊性好興事思欲假

帶鬼神分其餘潤曾不知陰陽之權操自上帝赫濯
神祇昭布森列倚託弄威是謂無天生殺獄訟則有
司存彼小人者何得鞭撻決斷行賄招權是謂無法
嗟乎貪心實甚遂至流害於民如此極哉所謂可隱
憂者吾潯之人幸得偷安本無繆巧大率愿謹奉法
僅免禍患今之懸旗糾族每保黃帥旗一面狐鼠衣
冠榜諭四出硃票硃示各棚偏愿謹之風旣隳弄兵
之志斯作且同類相聚結黨縱橫脫有事變此必倡
首可隱憂者一也方其羣聚之時動以千數類皆結
束執兵編立行伍稍不如意則聲言神怒率眾環攻

其家任其戕賊則心所難堪稍與格鬪則衆寡不敵縱能勝之倡燒倡搶之言囂然繁起如此則一二年間必成亂階可隱憂者二也衆旣雲集游觀者多賭博酣飲星列棋布重關洞開不復備禦脫有賊來如入空谷更有隱伏之奸

謂窩線之類

困窮之子

謂賭敗者

外召

賊徒內訌釁亂則破亡立至可隱憂者三也可隱憂者旣如此有害於民又如彼畱心當世者得不爲深慮哉且衆父老亦知神果有靈否耶使神而無靈也則向之所謂胥蟹赫奕羣趨如鶩者皆出僞爲不足信也使果有靈而假其名號網收衆資侵入已橐則

神必赫然震怒加禍於爾衆敗爾身家以彰天罰吾
甚爲衆父老懼矣夫福善禍淫者天地之大經也何
不罷無益有害之事修召福消禍之法各安其業各
守乃分行孝悌之道敦廉讓之風反侈靡爲節儉易
矯誣爲恭謹則天必佑之神必助之人必敬且愛之
以是保甯身家歌詠太平豈不快哉否則亂心內潛
亂端必伏召兵召盜召刑召灾召夭折皆在此矣吾
甚爲衆父老不取也比閭同方休戚相共故敢盡言
惟望矜亮

按近時已無此風然
存此文足爲後鑒也

施國祁志感仍歲豐收佳景象市流薄俗也成風管

絃酒肆拋錢慣燈火茶坊徹夜叢放局人爭償博進

渡航客喜鬪紅沖

葉子面畫水滸人并購賞錢數戲較勝負名曰紅沖

閒民怕

作游民去都付憑欄一慨中

冠笄

童子三四歲卽戴帽至將婚前一日乃復行冠禮

女子則將嫁加笄俱延親族之尊者夫婦咸集

按必取元配有

子之人

命贊禮祝之謂之上頭是日蒸糕以餽親鄰謂之

上頭糕

震澤鎮志

婚嫁 男女議婚大率以門楣爲重亦互擇人而兼決於

命卜初聘用禮數事

釵鐲綾綢等物。按或川茶棗則女家答以糕

曰求吉俗

謂之致意亦謂之纏紅

震澤鎮志

亦謂之小定亦謂之擔小

盤志

各視其禮之輕重以爲名

震澤鎮志

女家曰允吉

董將志

婿先納幣請期謂之行聘亦謂之道日

震澤鎮志

亦謂之擔

大盤

志

女家答以禮物謂之回盤

震澤鎮志

亦謂之准日

志

前期數日送珠冠袍帶以肅嫁謂之催妝

震澤鎮志

亦謂之

擔上頭盤仍用禮幣俗謂之七事衣

志

女家送匳具至

壻家謂之鋪房及期女家笄女而醴之謂之待嫁壻於

昏時親迎謂之發迎親朋從之謂之陪娶

震澤鎮志

亦謂之

陪迎

志

親迎以舟往日迎船先論財然後成禮貧富皆

然

范志

壻至主人使親族子弟迎入升堂並拜謂之拜廳

主人以茶果款壻謂之坐茶旣畢壻於綵輿前奠雁而

拜謂之拜花轎還輿北向女父若兄弟親掖女入

之抱嫁女輿出門墻於堂前請參謁外舅姑謂之謁見

按外舅姑必辭無相見者迎婦至門飾童男女二人然燈向輿謂之

迎花轎震澤鎮志婦出與墻與婦堂前參拜謂之拜天地亦

曰拜堂震澤鎮志然後牽綵交拜謂之結親引婦入室並坐牀

進兩心杯酒各舉飲之謂之合巹震澤鎮志司儀致語以果

四投曰撒帳震澤鎮志繼設饌於堂前列絳炬墻與婦並南向

坐謂之結花燭明日墻以婦拜見舅姑震澤鎮志獻酒雙爵

曰勛勞壽酒震澤鎮志有贊日上見音禮並見旁尊戚屬謂

之見禮舅姑以婦謁於先祖謂之參祠堂震澤鎮志總謂之

做三朝

志

越數日婦家備禮來壻家謂之望朝逾月婦

告歸謂之回門返夫家謂之大歸家各以盤盒糕果相

遺

董志

間有壻就婚于女家者謂之入贅贅後歸壻家謂

之捲帳回門凡婚姻必有媒妁以四人爲常少則二人

多或六人

海輯

董蠡舟潯溪棹歌爆竹雷鳴開迎船沿流鼓吹夜喧

聞青蚨二萬前期約免向牽牛索聘錢

喪葬

人始死令道士以六輪經辨生肖所忌謂之批書

董志

裂白布遺弔客裹首謂之孝帛至戚往哭亦襚以布

帛若續謂之遺襄

一作續一作緇

亦有兼行奠禮者其他親族

或弔或奠弔用香燭楮錠奠用牲醴庶羞其居相近者

先以吉服臨屍謂之探喪三日大斂成服凡來弔者謂

之送斂

按俗以棺中上子蓋爲小斂上大蓋爲大斂又棺尾有子孫釘爲他處所無

據批書

所定日用道士招魂主人奉主以接

主或以帛或以紙至五七則易木

兼焚死者遺衣謂之神回以有殺神亦謂之接殺

震澤鎮志

亦謂之接胄

志

至五七之期至或具小神室以妥木主

并設奠謂之上座亭

按上座亭必以女壻無女壻始以他戚亦有卽用神回日者

後

凡時節往奠謂之上座

震澤鎮志

親知先期以單徧傳代計

曰開喪甚有鼓樂歌唱客或酣呶醉飽而散

董志終七七

期止弔謂之閔靈主人墨衰拜于弔者之門謂之謝孝

二十七月撤几筵謂之除靈親族來弔謂之送座

震澤鎮志

奉主於祠堂曰陞祠

志

將葬親族集送抵墓拜別而散

謂之送葬葬無定期

震澤鎮志

必用堪輿家起棺多用偷柩

法子夜驀然而起以故親友會葬者甚少

潯溪文獻

或有將

柩火焚拾骸骨貯甕埋之者或俟屍腐爛後檢其骨置

甕中謂之揭生骨

烏青鎮志云按律從祖父遺言而燒化者杖一百若非祖父遺言而燒化

者當引刑律發塚條內子孫於祖父父母墳墓熏狐狸燒及其屍者絞之律。志

藁有貪圖風

水歷久不葬者

志

更有阻葬惡習糾集奸匪橫索酒食

銀錢厥費倍蓰於營葬此最爲人心風俗之害

惡少千百爲羣

谿壑不飽或顛倒其棺或昇以投諸河或持耒耜斫斷之并有事後百計侵損使人不敢望墓而祭不第塞流

斷港伐樹縱火之爲也營葬家每以兆域所在隱忍以
壓其欲而養奸既深刁風遂滋蔓而不可遏今者現示
嚴禁第一時不能盡蔽其辜再俟詳禁立石以
垂永久則於生者死者均有裨云。烏青鎮志

祭祀 士大夫家祭高曾祖禰爲四親間有建祠合祭者

自忌辰外歲時之祭元旦懸先人遺像或三日或五日

設糕果拜獻撤像日設饌享之清明夏至七月望十月

朔冬至除夕等節日祭品豐儉不同無有廢祀者

明談修呵

凍漫筆云今人於賓朋燕會必務豐潔乃祖宗祭享多從苟簡是薄其所厚而厚其所薄也 僧家節

關錄亡者姓氏徧送施主士大夫家亦用之

董志

祭必焚

冥鏹

薄

祭墓則於清明十月朔舉行祭畢添土懸紙旛

樹上謂之飄白或曰藉以招魂云

董志

又有竈及土地神

亦四時祭之

震澤
鎮志

明董說剪紙錢

常薩露歌哀世
死生錢癖也

剪紙錢鑒紙山金作

响嶼銀華山願君金魂玉魄相隨世世萬年

雜儀 生日開讌受賀曰做壽生子三日邀親友喫三朝

麪逾月剃胎髮親友致餽遺曰做滿月周歲製餅作試

兒會曰拏周朋友訂盟稱昆弟曰換帖以兒女過房與

人俗云出姓好養然過房後仍返父母家自後兩家往

來與婚姻無異至鄉民并有過房與神廟中者如關帝

姓關總管姓金觀音姓妙之類則士大夫家所無

志

正月 初一日爲元旦家設糕果接天接竈懸先像亦設

糕果家長率子姪輩禮畢男女各拜家長餘各以次遞

拜然後出拜親友董志名曰拜年亦曰拜節門前多設紅

紙門簿客自列其名或投刺焉往往交錯各不相見志

數日內互相邀飲曰年節酒是日不炊除夕預為飯食

之謂之年飯禁掃除汲水董志○按元旦接天即望

潛妄爆竹自子夜達曙相傳以祛疫癘烏青鎮志斥為非也初三日

為小年朝接天祀先糕果皆撤志立春延客用春餅

兒童競放紙鳶諺云楊柳青放風又有拋球踢毬諸戲

志初五日五路財神生日五更時祀以牲醴曰接五

路同初九日玉皇生日士女集廣惠宮燒香上十

五日爲上元天官賜福之辰人多持齋舉會是夕有紫
造龍馬諸燈游行街市者元宵前後鉦鼓聲不絕謂之
元宵鼓殺粉篩細丸如芡實大食之曰燈圓董志○按舊志並云
十三日上燈十八日落燈然鎮上久無元夕張燈之事徒虛名耳 二十日爲天穿日
多爲幼女穿耳蠟

紀遠正月十五夜月明如晝可憐宵簫鼓兒童破寂
寥猶記金陵舊遊地萬燈迷眼欲魂銷

張鎮溥溪漁唱元宵風景儘堪誇畫鼓蓼蓼燈市譁

卮字欄干珠箔捲爭看水面放蓮花

俗于元宵有放蓮花水燈之戲

孫燮龍燈行人聲直作波聲沸天上游龍地上戲健

兒矯捷好身手莫是豢龍有苗裔龍頭昂藏舞向天
龍尾蜿蜒拖著地有時首尾相衝擊一躍人從龍背
墜電光四射列炬明水底紅霞風盪碎真龍畏縮不
敢下天上無此光景麗是時日落春空晴雲裏冰輪
吐復翳千家晚飯坐對月但說燈來未肯睡欲來不
來聞鉦聲兒童跳盪犬爭吠側聞燈盛兆年豐民氣
和樂天賜瑞吾鄉澤國田土薄足食人民仰水利八
蜡猶虎皆象形燈作龍形其遺意願龍宛轉隨人心
雨暘時若溥美利百物豐盈人力暇更翦龍鱗翻巧
製轟雷掣電須臾間喧聲漸遠市門閉腐儒搖筆坐

夜闌得句聊補歲時記

二月

初二日女士皆摘蓬葉簪於首云辟頭風

淳溪文獻又

留年糕食之名撐腰糕令人不腰痛

董志

初三日文昌

帝君生日士民焚香拜祝

志

十二日花朝以紅綢及

紅紙繫花樹上

同上

十九日觀音大士生日燒香者不

絕於道

同上

張丹山潯溪棹歌幾日濃陰二月天竹林驚破凍雷

先明朝已是春分節雙槳飛來筍檔船

董蠡舟潯溪棹歌抽身早聽凍雷催準擬花豬頓頓

煨兩片帆輕雙槳疾今朝晚檔筍船來

筍出郡南諸山春分後以

舟載而來鬻曰筍榴船曉至者謂之早榴夕至者謂之晚榴晚榴爲勝以其早斷而暮至則味尤鮮也

三月

初三日爲上巳男女皆戴薺菜花

諺云三春戴薺花桃李羞繁華

是日眞武生日燒香

董志

清明祀先塋墓插柳

潯溪文獻

食

糗子名曰角黍取寒食之義

董志

士女野步謂之踏青極

樂庵焚香最盛

范志

姚田快船成隊到震澤嶽廟前取道

市中皆舞兵器及篙

文獻

名曰哨船又結隊往天竺進香

志

廿八日東嶽生日士女集廣惠宮及極樂庵燒香

作會同上

遇豐年則出燈會每在二三月間引線燈作

繡球涼傘等形爭新鬪豔爲他處所無擊鉦鼓隨之游

行市上迎神出觀或爲藏頭詩句任人商揣曰燈謎句

餘始罷遠近來觀者甚衆

同上

紀官清明桑芽雀口草芊芊久慣篙工嶽廟前左右
插花龍樣舞春衫拋去甯泥船。隊隊村船天竺行
夜深飛櫓喜兼程十年起早西湖過未認蘇隄柳色
榮

謝洲清明竹枝詞分水墩邊人擠肩風光畫出清明
天鉦聲不住鼓聲鬧嶽廟燒香雙艣船

曹仁虎潯溪竹枝詞清明時節快船飛繡戟弋次
第圍鬪罷風前身手健綠楊陰裏綵旗歸

孫燮三月下旬燈事甚盛感而有作寶馬香車絡繹

迎笙歌如沸火如城人情欲補元宵缺天氣難逢穀
雨晴舉國若狂豪興在非時爲樂後憂生依稀記得
當年警早閉閭門禁夜行

董蠡舟潯溪棹歌落梅風後浴蘭前引線春燈百態
妍花月良宵卽元夕笑他買夜費金錢

四月 立夏飲火酒噉櫻桃新梅蠶豆芽穀餅謂可解疰
夏之疾董志男女皆以秤較輕重謂之稱人范志 初八日

釋迦佛生日僧尼作浴佛會董志 十四日呂祖師生日

剪萬年青葉置通衢令人踐之董志

董蠡舟潯溪棹歌芽穀蒸成餅樣新餞春筵上看稱

人如儼何待持衡較戍削香桃掌上身

五月 初五日爲天中節亦稱端五先期道家以天師符

僧家以黃紙符饋檀越謂之送符女僧則以綵絨作花

謂之送老虎花親戚以菜豆糕銀魚灰蛋黃魚角黍相

遺家家以雄黃菖蒲泛酒

志

小兒女以綵線穿赤小豆

綴辨髻裂綢爲囊貯雄黃佩之曰雄黃袋

謹

剪繭作虎

形以艾爲人形跨之謂之健人老虎

志

懸天師及鍾馗

像繫蒲艾於牀或采百草雜蒼朮白芷芸香等物焚之

震澤

近午時以雄黃火酒洒四壁官府行慶賀禮民間

則否

志

黃梅時儲梅水

湧

鍾小品云霽後積水烹茶甚香冽可久藏一交夏至便

迴別矣
○潯輯

十三日關帝生日士民焚香拜祝

董志

夏至

後半月爲三時禁淋灰浣衣

同上

二十日爲分龍日四

柵俱擇空地演水龍

潯輯

董蠡舟潯溪棹歌辟兵戶戶彩符新越國亡來競渡

湮石首魚黃蒲酒綠馬家港上弔靈均

午日無競渡黃九煙以五

日自沈

○迴帆佇聽鼓鼙鼙深恐愁霖滯客蹤檢歷已

欣過小暑朝來雷雨正分龍

董恂潯溪棹歌節過天中未浹旬間潯閣裏又酬神

願求幾點磨刀雨洗淨人間十丈塵

關壯繆生日得雨俗謂之磨刀

雨

○黃魚船到正黃梅無數冰鮮入市來剛喜好風

吹舶遶莫教小暑一聲雷

六月

初四日祀竈十四日廿四日亦如之

諺云六月三
通竈勝如市

火醮
志豪

初六日食餛飩滌器具浴貓狗於河

董日未

出時汲井水用磁甕盛之入黃瓜一條於中黃蠟封口

四十九日瓜已化盡水清如故可解熱毒

湧幢
小品

三伏

造醬釀者菴

薄錄

十九日大士成道日人持齋禮誦

董志

廿四日雷祖生日廣惠宮燒香

薄輯

七月

立秋日吞赤小豆七粒井水下云免瘡痢

薄錄

初

七日金元七總管生日演劇祭賽是夕食茄餅或揉麵

為花果鳥獸形油煤食之曰巧果閨中擣鳳仙花染指

甲志

十五日爲中元地官赦罪之辰人多持齋舉會

祀先俱用素饌僧家啓孟蘭盆會夜則沿河放燈謂之

照冥有喪之家延僧呪誦名曰施飯是月市井醮資各

延僧設瑜伽餽口街衢閒每夜有之

同上

三十日地藏

王生日士女往東藏寺燒香禮佛達旦日坐夜佛人家

門前設香燭或以木屑和油沿路焚之曰點地燈

同上

明董說染爪秋風來幾日安得擣衣砧爲敲金鳳花

共立梧桐陰色憎脣朱淡影射晴霞深明朝寫眉角

紅日透青岑

又招魂曲

中元日作

夢魂夜逐青桐葉飛落秋園作蝴蝶

一星鬼火入江青法王院勝招魂帖靈旛剪紗錢剪
紙月黑松搖古鬚鬢高僧入座呪音寒精靈百萬唬
秋怯嘯聲認得故人魂猶帶生前舊豪俠

又孟蘭招魂詞靈風飄幢塔鈴語小玉魂歸立秋渚
只言夜踏陽臺雲蒼茫乍隔青楓雨擁髻來看水燈
綠法王正奏無生曲

紀端巷燭行七月日已晦民俗異他鄉傳言有神降
列地炬成行類蛇攪斷岸復若干星亂兒童始甚謹
頃刻同戲玩君見切莫瞋青苗會欲陳巾紫長衫白
田祖陌頭巡

董蠡舟潯溪棹歌但酬總管競笙歌孰問天孫夜渡

河郎莫穿針來乞巧世間正患巧人多

七夕無乞巧者

○一

昨僧來送節關明朝施飯濯船還船篷底新妝面

抹麗花襪壓兩鬟

中元節僧家送節關女子適人而有父母之喪者於是日具酒饌往

哭并延僧施飯他姻戚亦間有行是禮者

○地藏生朝值孟秋徧然地燭

百間樓踏燈看殺冶游子兩岸珠簾盡上鉤

董恂地燈曲年年七月三十日已墮斜陽無暝色徧

地輝煌樺燭紅不斷明燈替明月薰天火樹燄銀花

勝過元宵鬧蛾節燃來木屑和膏油蕪罷都梁攬艾

納旁人爲我說今宵大放光明地藏佛蠟炬高燒十

萬枝燈益光明佛尤悅肩摩轂擊佛殿擠膜拜虔誠
更難及家家月朔不茹葷欲仗清齋脫罪業佛號喃
喃老嫗宜數珠一一村翁捏豔妝更有女如雲避人
坐愛僧房密施財不惜破慳心拚拔金釵庫中質清
曉來遊暮不歸道喫香厨飯難得白晝燒香夜點燈
要把來生善緣結願得天上大喜歡生事何遑計偈
灰滅爾今朝餬口資供他昨夜纏頭物欲祈佛佑在
皈僧何必浮圖四千級我聞此語信且疑菩薩低眉
恐未必禪門便說賴十方佛法曾云空一切釋迦何
肯作厲階盡使鄉愚蠱邪說布施果足廣福田地獄

翻爲廉士設何苦忙忙觸熱來男子拋耕女拋織爾
輩方期佛有靈我儕還恐天將抗卽看今年夏不雨
米價高翔已難活手輟足跼得幾何有用翻教耗無
益倘令我佛果有知也欲當頭加棒喝至道本無人
我和佞之未必爲功德試看何充孟顓徒成佛生天
目未擊糜費先增彼罪愆更誰替爾重消釋我今願
作懺悔文仗此良因各努力聰聽彝訓厥心臧勝向
蓮臺勤令十此歌未闕夜已深四顧燈光猶未滅願
斂南洲北燭資散作貧兒一年食

又薄溪棹歌涼月將弦照一庭雙蓮佳節意惺惺郎

藤總管錢神會妾愛牽牛織女星○喧傳佛誕是今朝
禮佛禪堂伴已邀忙殺人家小兒女戒香華燭滿
庭燒

八月 初一日嬰童稚女以筆管蘸曉露潤硃墨印圈於
額及肩背手掌足踝曰天灸可治百病

潯溪文獻

初三日

竈神生日祀竈

志

十五日爲中秋節以月餅相饋遺

讌集賞月或竟夕不眠以待月華

文獻

糊紙爲斗實香屑

於其中名曰香斗至夜架桌庭中爇之曰燒斗香亦曰
燒天香尼庵尤盛道家則禮斗懺設祭煉徹曉官府行

慶賀禮民間則否

志

曹仁虎潯溪竹枝詞秋露如珠蘸翠筍笑攜繡襖祝
兒童不須更學桃花醺嬌額新添一點紅

董恂天香斗香小院涼生閒庭秋好又逢斗柄西指
翦紙爲鑪碾檀作屑熱向木樨花底搖光掩映願瓣
瓣都成心字怕破清輝照見低揎袖羅斜倚○夜涼
眞箇如水檢薰籠苧衣初試竟體芳蘭融和滿庭香
氣更向星前細步看斂衽深深拜初起要趁團圓教
郎睡未

九月 初一日報國寺香火最盛

范志

初五日崔李二大

明王生日家家煮糯米飯具酒果設祀謂之拜雙土地

嘉應廟燒香游覽士女闌溢百戲雜陳前後二旬始罷

志

初九日爲重陽食放糕

潯溪文獻

或食栗糕亦有攜壺

登高者

志

斗姥生日燒香

潯輯

張鑑潯溪棹歌蠻管巫簫賽穀神芙蓉漬粉鏡中勻

山門摩喉羅成肆多少人看看畫人

十月

初一日爲十月朝祀先塋墓

志

十五日爲下元

水官解厄之辰人多持齋舉會

潯溪文獻

十一月

冬至祀先

按俗以清明前一日爲清明夜冬至前一

一二日每節皆然

○志蒸粉糰曰冬節圓子

潯輯

是日謂之亞歲官

府行慶賀禮民間則否

董志

十二月 初八日僧尼以白米和諸果作粥名曰臘八粥

以餉檀越

董志

臘中多喪葬修築之事

以歲官交承凶神方位未定故

有可不思者

釀秫作酒煮而藏之曰臘酒

同

儲臘雪水

薄輯

廿四日謂之交年是日掃屋塵送竈用錫糖祀之曰竈

糖蒸粉圓曰送竈圓子焚紙轎曰竈轎丐者攤於市曰

跳竈王

志

邇來送竈皆先一日沿舊者鮮矣

范志

二十

五日玉帝及諸神下降之辰人皆持齋

志

食物不用油

炙

潯溪文獻

有食豆腐渣者

志

三十日爲除夕前數日親

戚互相饋遺曰年節禮磨粉和餛飩爲糕曰年糕

董志

以

牲醴祀衆神曰拜年夜利市

俗以廿九日爲小年夜三十日爲大年夜○志

彙

是夕家各祀先爆竹之聲聒耳換桃符門神家庭舉宴
長幼咸集曰年夜飯徹夜不眠曰守歲或有竈前致禱
請方向出門聽市人無意之言以卜來年休咎謂之聽
響董志○按潯鎮質庫向例每日辰開酉閉唯除夕亦
通宵徹曉近年以多警防盜請官給示雖除夕亦
不復夜
開矣

明董說埽塵詞

吳俗十二月埽塵爲歲除風景作埽塵詞

鏐鏐臘鼓埽塵

時豐草庵空竹拂垂自信世間塵不到平生長隔庚
元規

又祭竈詞祭竈燈寒祝語疎自將功過默乘除風流
罪業應難免偷寫人間幾葉書○竈王歸去海雲稠

應記南村人正愁爲上綠章封事奏青山乞與半生遊

董蠡舟歲闌雜詠八首

有序

吾鄉之俗臘月二十四日

爲賽以祀竈范石湖村田樂府云豆沙甘鬆粉餅圓
卽是物也市有鬻餠者曰竈糖糊紙爲輿曰竈轎祀
者皆用之謂之送竈送竈後糞除屋宇謂之掃塵屑
米合蒸謂之年糕擇吉日以牲醴祀百神謂之拜利
市除夕家家治具羣聚歡飲謂之年夜飯飯罷子婦
於尊長僕婢於家主前稱某如意謂之呼如意僕妻
人子也衣盡付之質庫券爭合夫鄰逋貧家風味尤

不可無篇什以紀之爰賦五字共得八章名曰歲闌
雜詠云○送竈交年髻去官從此六參佐輿後眾察
治紅妝細馬馱紛紛薦花餉聊當一錢大竈養原熟
官不似楊臨賀○埽塵吾廬本離垢聊復舊例沿不
辭事一室天下方晏安皎皎不緇操珍重保歲寒寄
語潤屋者先埽胸懷間○典衣續食與取酒此例古
有據較勝稱貸難賴有流泉務盡篋猶可搜卒歲豈
無具一篇七月詩怕誦無衣句○索債泥塗喧屐齒
夜巷明燈光叩門色然訝無已唯空囊不甘呼負負
調語聊自強李沆行入相畱待君王償○蒸年糕合

蒸復餅之義協周官注名年恰有合穀熟歲一度

見說

文驚心節物更彈指華年暮暮境甘如渠一飽外何

慕○拜利市歲終合萬物大索鬼神祭事無乖禮經
名偶應易義福汝神應難奢望冀三倍杜史言足徵
熙攘盡爲利○年夜飯一年餘一宵眷眷有餘戀別
歲笑蜀人敦迫早相餞何如勉強加餐團樂啓家宴屠
蘇讓少年一飯吾叨先○呼如意吉語勝鏡聽彌令
我顏厚動輒與心違十事恆八九平生所大欲有書
兼有酒此願亦易償能如吾意否

又潯溪棹歌膠齒飴香粿食甘醉司命事妾深諳怪

他忽改東京舊送竈家家二十三○殘年雪虐更風
饕餮手何辭井臼操屑米合蒸陳例在隔籬燈影夜
炊糕磨粉和糖爲年糕俗
謂之裝糕亦曰炊糕